

Ո Ր Ո Շ ՈՒ Մ N 60/6

/վարչական տույժ նշանակելու մասին/

«27» փետրվարի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Արման Գրիգորյանի /անձն. AK0261408, քաղաքացիություն՝ Հայաստանի Հանրապետության, հասցե՝ ք. Երևան, Վերին Շենգավիթ, փ.2, շ.14, բն.2/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Արման Գրիգորյանի անվամբ 25.12.2018 թվականի թիվ 05100033/251218/0000327067 մաքսային մուտքի օրդերով «Ժամանակավոր ներմուծում» մաքսային ընթացակարգով 9 օր ժամկետով ՀՀ տարածք է ներմուծվել NISSAN-TEANA մակնիշի, ZS726ZS պետհամարանիշի, 2006 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 03.01.2019 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-հրավաբանի կողմից 11.01.2019 թվականին Արման Գրիգորյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանափակումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ NISSAN-TEANA մակնիշի, ZS726ZS պետհամարանիշի, 2006 թվականի արտադրության տրանսպորտային միջոցը 25.12.2018

թվականին Բագրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 12.02.2019 թվականին ժամը 16:00-ին, վերջինս պատշաճ ծանուցվել է, սակայն չի ներկայացել գործի քննությանը:

Գործի քննությունը տեղափոխվել և նշանակվել է 27.02.2019թ. ժամը 16:00-ին, քանի որ չեն ստացվել կատարված հարցումների պատասխանները: Արման Գրիգորյան նկատմամբ հարուցված մաքսային կանոնների խախտման վերաբերյալ գործը ՀՀ ՄՕ 219 հոդվածի 2-րդ մասի համաձայն քննվել է նրա բացակայությամբ:

Գործի քննության շրջանակներում 15.01.2019թ. թիվ 22.1.1/1911371-19 գրությամբ հարցում է կատարվել կատարվել ՀՀ ՊԵԿ Արարատյան մաքսատուն-վարչություն» Արման Գրիգորյանի /անձն.ԱՌ0261408/ կողմից 25.12.2018թ. թիվ 05100033/2251218/0000327067 ՄՄՕ-ով ներմուծված NISSAN-TEANA մակնիշի /vin TNJ31100811/, ZS726ZS պետհամարանիշի, 2006 թվականի արտադրության տրանսպորտային միջոցը այլ ընթացակարգով ձևակերպվել է, թե՛ ոչ:

Պատասխան գրությամբ հայտնել են, որ Արման Գրիգորյանի /անձն.ԱՌ0261408/ կողմից 25.12.2018թ. թիվ 05100033/2251218/0000327067 ՄՄՕ-ով ներմուծված NISSAN-TEANA մակնիշի /vin TNJ31100811/, ZS726ZS պետհամարանիշի, 2006 թվականի արտադրության տրանսպորտային միջոցը 07.04.2018 թվականին թիվ 05100010/070418/0000183325 մաքսային մուտքի օրդերով ձևակերպվել է <<ներքին սպառման համար բացթողում>> մաքսային ընթացակարգով: Նշված տեղեկատվության ուսումնասիրությունից պարզվեց, որ 05100010/070418/0000183325 մաքսային մուտքի օրդերով <<ներքին սպառման համար բացթողում>> մաքսային ընթացակարգով ձևակերպված ավտոմեքենան ոչ թե NISSAN-TEANA մակնիշի, /vin TNJ31100811/, ZS726ZS պետհամարանիշի, 2006 թվականի արտադրության ավտոմեքենան է, այլ MERCEDES-BENZ E-320 մակնիշի, 8170HD պետհամարանիշի / vin-WDB2110651160713/ , 2002 թվականի արտադրության ավտոմեքենա:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 1936080 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 813153 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության

համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Արման Գրիգորյանի անվամբ 25.12.2018թ. թիվ 05100033/251218/0000327067 մաքսային մուտքի օրդերով ՀՀ ներմուծված NISSAN-TEANA մակնիշի, ZS726ZS պետհամարանիշի, 2006 թվականի արտադրության տրանսպորտային միջոցի ժամկետը ավարտվել է 03.01.2019թ.: Արման Գրիգորյանը սահմանված ժամկետում չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով, չի ձևակերպել <<Մաքսային պահեստ>> մաքսային ընթացակարգով:

Այսպիսով վարչական մարմինը քննելով գործում առկա ապացույցները գտնում է, որ Արման Գրիգորյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Արման Գրիգորյանին ենթարկել վարչական պատասխանատվության՝ տուգանելով 406577 ՀՀ դրամի չափով:
2. Որոշման մասին հայտնել Արման Գրիգորյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մարսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ